

42° և 44°, և գետախառնուղին սոցա են զ'40 սասի-
ճանաւ լայն. և 'ի 46° արևել. երկ. Բարեղու :

23. Գ Բարձրաւանդակ աղբերավայր է Գարա-
պաղ, զորոյ շատս 'ի գետոց յիշեցաք անկանել յԵ-
րասն և 'ի Կուր. և ըստ դրից իջին՝ յարևմուտս ար-
ձակին Վեփ, Չանախճը, Արբա (21) . ընդ հարաւ՝
ամենայն յիշեալ գետքն 'ի ճաղրուայ ց'Բէնտիւան, և
ընդ արևելա՝ ամենեքեան որ իջանեն 'ի Կուր յԱլ-
ստեւոյ ց'Գարգար. իսկ ընդ հիւսիս՝ վտակք մանուռնք
արձակին 'ի ծովն Գեղամայ. իսկ ծովս այս յարևմը-
տից կողմանէ 'ի լեբանց Գեղամայ և մանուռնս այլուտս
ընդունի գետակս ոչ սակաւ, և ինքն արձակէ յա-
րևմտից հիւսիսոյ առու 'ի Հրազդան գետ : — Գ գետ
արձակ բարձրաւանդակ է Բադրեւանդ, այսինքն
անջրպետն Երասխայ և Արածանի-Եփրատայ, 'ի հա-
րաւոյ Հայկական լեռնապարուն, ուր 'ի սահմանս Տիա-
տինայ յՈսկի լեբանց Ալատաղի բղնէ նախայիշեալն
հայկական Եփրատ կամ ԵՐԵՄԵՆԻ որ այժմ ՄՈՒՐՍԵՏ
կոչի, և է արևելեան թեւ Եփրատայ, վասն որոյ և
Եփրատ իսկ կոչի. բազում են աղբերք նորա յ'8-8300՝
բարձու. զառաջինն Չառնուր կոչի և 'ի հիւսիսոյ յա-
րևմուտս գառնայ 'ի Նահիւ և յԱլաշկերտ գաւառս,
յորոց և 'ի խալիւաղեայ յարևմտից ընդունի վտակս
յոքնաթիւ, զՇէրուէս և զայլս. և իջանէ ընդ հարաւ
'ի խամուր, խաղալով ընդ խոխուն լեբանց. յարև-
մուտս կոչս խոտորելով մինչև 'ի Մեղազկերտ, անտի
ուղիղ ևս խաղայ ընդ արևմուտս ընդ լեբանցամէջս,
ց'հիւսիսակողմն արևմտից դաշտին Մշոյ, ընդունելով
յաջմէն զԴուալա և զԳաւլեաւ և զՉաբուհ-հուր, որք
յարևելեան հարաւային թիկանց Պինկեօլայ բղնեն,
և յահեկէ զԲաբիլոնս կամ զՆուր Մեղազկերտու : Ի
Չարպուհուրոյ և 'ի վայր դարձեալ սակաւ մի ընդ
հարաւ իջանէ, և գառնայ անդրէն յարևմուտս, ըն-
դունելով յահեկէ զՄեղաբաբի Մշոյ, և 'ի միջոյ լե-
բանց ընդ լայն զառ. 'ի վայր սահեալ իջանէ առ
Կուրիուրաւ որ 'ի հարաւոյ Ս. Կարապետին Մշոյ, և
փոքր մի խոնարհագոյն ընդունի զԿիւճայ ջրոյն բարձ-
րահասան քարավազն. ապա գրեալթէ ուղիղ ընթացիւք
խաղայ յարևմուտս, հասանելով զբովանդակ լեռնա-
դաշտս Դ Հայոց, և առ Բեկան Մատենիւ խառնի
յարևմտեանն Եփրատ. ընկալեալ նախ յաջմէն զՆուրս
ճաղրուրայ, զԼէւի որ 'ի Պինկեօլայ իջանէ (և է
Միս-Գայլ գետ ըստ նախնեաց), և զայլ բազում
վտակս քրդաբնակ լեբանց Տուփիկայ և Մնճուրայ,
նոյնպէս և յահեկէ զգետակս գաւառին խարբերու-
և լինին ամենայն ընթացք նորա իբրև 350 մղոն : —
Յեղից հիւսիսոյ աղբերականցն Արածանի-Եփրատայ՝
'ի շամբէն Կոգալուտի ելանէ Պաւլս գետն օժանդակ
Երասխայ, զոր նախ յիշեցաք (20) :

24. Ե Աղբերավայր բարձրաւանդակ է Ալճնիք, և
ունի զաղբերս երկրորդի հզոր գետոյն Հայոց և զԵգե-
մայ, այսինքն է զՏԻԳՐԻՍ որ և Դիւլե և Շաբ ըստ
արևելեայց. որոյ սկունք ըստ արդեացս աշխարհա-
գրաց են 'ի հարաւոյ Ծովք լճին խարբերու (18)
իբր 'ի 4200՝ բարձու. այլ ինչ 'ի դէպ թուի զայն
առաջս մի կամ օժանդակ ևեթ համարել, և զբուն
աղբերակն խնդրել իբրև 50 մղոնաւ բացագոյն յա-

րևելից հիւսիսոյ առ Սիվան Մատենիւ, հուպ 'ի Մու-
րատ և 'ի Տարբուշ լեբինս. քանզի նախնիք մեր ասեն
յՈլոր գեղձէ Հաշտենից բղնել զՏիգրիս, և ճաղրը-
ջրոյ և Կինճայ 'ի դէպ գան վայրք գաւառին, և ոչ
Տըլբոյ՝ յորում Ծովքն լիճ : Առ Ալլաւ խառնին եր-
կոքին վտակքն, այն որ 'ի մտիցն դայ և այն որ 'ի հիւ-
սիսոյ՝ հանգերձ մանուռնք օժանդակք, և իջանէ
գետն 'ի հարաւ 'ի Տիարպէքիւր, և անցեալ ընդ քա-
ղաքն գառնայ յարևելս և գրեալթէ ուղիղ ընթանայ
80 մղոն ց'Բաղիշու գետն, վտակս յորվս ընդունելով
յահեկէ 'ի լեբանց Ալճնեաց, որ է Սամոյ և խու-
թայ, յորս հզորագոյն է Պաբման-սո՝ յոր անկանին
Սաբմ և խուլի, և յեղից սոցա Ենդիփիսնէ, և 'ի սո-
րա եղից Բադիւս-Նուրն՝ որ յարևմտից հարաւոյ լե-
բանցն Վանայ (Նեմրուտայ) իջանէ. իսկ յաջմէ ըն-
դունի զԳիւփն Մեղաբայ. յետ ընդունելոյ զգետն Բա-
ղիշու խոտորի Տիգրիս ընդ հարաւ արևելախառն մին-
չև 'ի Չա-Սփի լեռան 'ի հարաւոյ Կորդուաց, ուր
և սպառնին սահմանք Հայոց, և անդ ընդունի յա-
հեկէ զԵսաբու գետ (Բաղբար ըստ ոմանց). և նոյնն
ուղղութեամբ ընթացից իջանէ 'ի Մուսուլ (Նինուէ)
ձեւելով ընդ Եփրատայ զՄիջագետս. բայց յեղից ընդ-
ջրոյն Բաղիշու խառնի 'ի նա և Սեբա (Սղերս) որ և
Պոտոս գետ, եկեալ յարևելից հարաւոյ Վանայ 'ի
Մոկաց կողմանց 'ի Շատախ գաւառէ, և համարի նա
արևելեան թեւ Տիգրիսի : Ի Մուսուլայ և անդր զուգ-
ընթանայ Տիգրիս Եփրատայ մինչև 'ի խառնուրդս
իւր 'ի խուռնա, ընդունելով յահեկէն և զգետն խա-
միւր, և զՄեծ և զՓոք Զառ, յորոց մին յԱրտոսայ և
միւսն յԱլլաբայ թուին իջանել և լինին ամենայն ըն-
թացք Տիգրիսի իբրև 1000 մղոն, 950 գոլով ցխառ-
նուրդն :

25. Զ Բարձրաւանդակ գետարձակ է երկիրն Վա-
նայ, և ծով իւր շտեմարան յորովից 'ի գետոց անտի-
զի որք 'ի թիկանց լեբանց նորին յարևմտից և 'ի հա-
րաւոյ իջանեն՝ խառնին կէսը յԱրածանի, որպէս Մե-
ղաբետն՝ որոյ աղբերք են 'ի Նեմրուտ լեբին և բող-
խէ 'ի ստորտից նորուն, և կէսը 'ի Տիգրիս, որպէս
գետն Բաղիշոյ. իսկ այք մանուռնք աւելի քան զ'40
թափին 'ի ծովն յամենայն կողմանց, որպէս Արծիւն
ջուրն 'ի հիւսիսոյ, Թուխ (Կիւզէլտերէ) 'ի մտից հա-
րաւոյ, Ոսպան յարևելից հարաւոյ, Խաւա հզորագոյն
քան զառաջինն 'ի հարաւոյ արևելից, Անգը կամ Շա-
միւրայ ջուր, Մաբու, Գաբա-լայ յարևելից, և Բեբիւր
Նուր 'ի հիւսիսի արևելից : — Ի. գետարձակ բարձրա-
ւանդակ է պար Զակրոս և Վասպուրական լեբանց,
որք և անջրպետն զՆուրս Վանայ և Տիգրիսի ընդ
արևմուտս, և զԵրասխայ և զՈրմիոյ ընդ արևելս. 'ի
Վասպուրական կողմանց բղնեն գետքն օժանդակք Ե-
րասխայ զոր նախ յիշեցաք Սարը-սու, Բեբիւր, Կու-
տոր, Աքսու, և այլն (20). իսկ 'ի Զակրոսէ աւելի
քան զ'20 գետակք իջանեն յՈրմեան ծով յարևմը-
տից նորա, որպէս Չաբի 'ի հիւսիսակողմն, Նաւու-լայ
'ի հիւսիսոյ Որմի քաղաքի, Շաբի կամ Շեբի 'ի հա-
րաւոյ նորա, Պաւլաբու խոնարհագոյն ևս : — Ար-
տաքոյ բնիկ հայկական աղբերավայրիցս, Ը Արտապ-
տական գետք, յորոց ոմանք յՈրմեանն անկանին, 'ի